

氏族譜錄之作蓋肇于世本其書叙黃帝以來祖世所出厥
後氏族譜錄則有帝王譜有州郡列姓譜有一族姓譜凡隋
唐志所著錄今皆散佚古宗譜之尚存者宋之廬陵歐陽氏
眉山蘇氏二家而已予族由慈谿遷上虞蓋始于宋南渡以
後逮明永樂始有譜牒由永樂至我朝同治庚午已屢脩
及宣統紀元又增脩當庚午脩譜時予之本支由上虞僑居
淮安已四世矣予時年五齡耳及宣統脩譜則予備官京師
始得庚午舊譜讀之蓋生四十餘年於高曾以上之名字世
次不能知也故鄉廬墓所在不能知也其懼且恥為何如也
因念後之視今亦猶今之視昔自陵谷變易予避地海外者
八年僑居津沽者十年今遯跡遼東又逾歲矣家國淪胥祭
饗多闕首邱之念徒殷而維桑之敬莫展我子孫從予轉徙

有未嘗返鄉里者其幼小在懷抱者且不知我生之為何世
矧高曾以降乎即今不逮異日長大其懼且恥殆有什佰倍
于予者矣今叙曾祖以降為之譜以志僑淮安以後之系統
又紀遷上虞以來十九葉本支之所自出別為譜冠焉所以
識本本水源也于近則詳之于遠則畧之近者所及見及聞
遠者所傳聞其信與否不可知也舊譜之首錄豫章譜由一
世祝融至四十一世珠一一具載無闕又錄慈谿譜紀第一
世甫第二世隱至八世元咸具名字事實妃匹葬地考吾族
得姓之始若世本廣韵諸書所載但云羅熊姓也一云祝融
之後妘姓及本自顓頊末胤受封於羅為楚所滅子孫以為
氏可知者如是而已而豫章譜乃世次井井寧非虛誕至昭
諫祖知微父脩古前籍所記甚明慈谿譜乃云隱父甫并載

其傳狀年譜其言不雅馴其愚且誣又可知也今述第一譜自元始第二譜自僑淮始畧仿歐蘇譜例歐譜于先世可徵者詳之不可徵者畧之蘇譜則于所自出詳之非本文畧之歐譜止於其身蘇譜則及其子孫之先逝者予之此譜并采歐蘇以前譜例之可考者漢人有刻石紀祖考名字厥妣姓氏忌日及子女名字者矣則祖考名字忌日當記妣之姓氏忌日亦當記子當記女子子亦當記也隋志載楊氏家譜狀及墓記則墓地當記古者因祿以制祭則官封當記故此譜于名字生卒子女墓地官封凡可知者莫不畢載其不可知者始畧之先世德業聞見所及者條記譜後俾後人則效而不敢有虛美以厚誣先人予平生所歷則為集蓼編附焉以予平生憂患志望告我子孫譜至先考而止自予以後待我

後人續焉至與我同生先我而沒有事實可記者亦附載世德之後不列名譜中既成顏之曰上虞羅氏枝分譜我子孫之讀是譜者其勉謀紹述以無忝所生此予作此譜之旨所切望于無已者也歲在庚午六月上虞羅振玉記于遼東僑寓之貞松堂

上虞羅氏枝分譜

遷淮安第四世振玉述記

吾宗自南宗時有曰元者始由慈谿遷居上虞三都之永豐鄉是為遷上虞始祖元生榮榮生壽壽生丈夫子三曰孟祥曰仲銘曰季安女子子一字鄞縣聞氏未婚而夫亡守貞養親以老族人敬之以兄之子為之後於是著定為四房曰祥一曰祥二曰祥三曰祥四祥三者女子子之後祥一則予之本支所自出也孟祥生時中時中生純純生遜以孝友稱猶子禕少孤撫之如己出壯授室授產與己子均生祿歷任桃源新繁天長令有政聲生應乾應乾生瑞孚瑞孚生康康生禾禾生養初養初生如玉如玉生邦華邦華生維屏無子以兄維藩子炳如嗣炳如生紹曾紹曾生我高祖諱世林是為

遷上虞第十九世及我曾祖始僑寓江蘇淮安之清河至先祖妣方淑人乃卜居淮安郡城我曾祖府君為遷淮安第一世於上虞為第二十世今將由慈谿遷上虞十九世本支所自出者為第一譜由上虞遷淮安為第二譜

第一譜

一世	元	字元善本 名宗節配 朱氏子一 葬上虞大	塹頭			
二世	榮	字彥華配 錢氏子一 女一葬父 塋左				
三世	壽	字延齡配 郭氏子三 長孟祥次 仲銘次季	安女一許 鄞縣聞氏	未婚夫死 宇志葬崩	龍臍	
四世	孟祥	字瑞卿配 濮氏子一 葬父塋左				
五世	時中	字允一配 滕氏子一 女三葬泥 答灣				

六世	純	配沈氏子 三長通次	地次達繼 配沈氏子	二避迎女 二葬章家	嶼泥客灣				十一世	康	字民濟號 白水嘉靖
七世	遜	字希讓號 古愚配餘	姚章氏子 五長祺次	祝次祿次 禎次禰葬	後嶺口				十二世	未	字仲嘉號 斗庵配沈
八世	祿	字景福號 拙庵恩貢	生歷官桃 源新繁天	長三縣知 縣正德丙	寅卒年七 十五配孔	氏子三長 應乾次應	文次應吉 女二葬胡	家嶼福祈 山	十三世	養初	字心懷配 任氏子一
九世	應乾	字汝健號 葵軒嘉靖	□□卒配 陸氏子四	長瑞鵬次 瑞孚次瑞	相次瑞臣 女一葬父	榮左			十四世	如玉	字敦懷崇 禎壬午卒
十世	瑞孚	字世誠號 東園嘉靖	乙巳卒年 五十八配	王氏子二 長康次度	繼配何氏 葬陸阜嶼				十五世	邦華	字芳叔康 熙康寅卒

六	子以兄子	年五十五	熙戊戌卒	字安侯康	維屏	十六世	畋田穴	禾次東次	東次東次	果次來次	人子五長	氏勅封孺	十三配素	郎萬歷辛卯卒年八	清縣知縣	勅授文林	官直隸武	己酉舉人	
七	紹曾繼配	年九十二	隆甲午卒	字景奎乾	炳如	十七世									次鼎葬陸	畢嶼	氏子三長	養初次星	
八	二長諱世	年六十五	隆乙亥卒	字省三乾	紹曾	十八世											女一		
九	大夫配張	年七十九	慶丙子卒	字茂森嘉	諱世林	十九世								二	次邦華女	二長邦基	配沈氏子	年五十八	
十															屏	維藩繼配	趙氏子維	配陳氏子	年八十六

葬陸埠嶼

側室富氏
子二大鼎

女二葬胡家

詩敦義敦
孝女二側

大觀女一
葬後芭地

室高氏子
二敦樂敦

賢葬屋後
大園

第二譜

遷淮安一世

遷上虞
二十世

二世

遷上虞
廿一世

三世

遷上虞
廿三世

諱敦賢

諱鶴翔

諱樹勳

字書聲號希齋乾
隆四十八年癸卯

字翼雲嘉慶十五
年原午十一月十

字堯欽道光二十
二年壬寅十月十

十月初九日生咸
豐四年甲寅三月

五日辰時生咸豐
二年壬子十月十

九日亥時生光緒
三十一年乙巳十

十九日卒葬上虞
何家隲配慈谿鄭

二日丑時卒葬山
陽東南鄉張橋南

月十三日戌時卒
附葬山陽東南鄉

氏乾隆四十八年
癸卯三月十三日

西黃莊乾山巽向
配本邑陳氏嘉慶

西黃莊光榮配山
陽范氏道光二十

生道光十四年甲
午七月十八日卒

十五年原午七月
二十三日生其卒

一年辛丑十月十
四日申時生光緒

附葬何家隲側室
李氏田氏嚴氏宗

年史考葬上虞胡
家隲繼配蕪湖繆

月二十九日癸卯正
月二十五日子時

右第一譜據舊譜錄之第二譜則據新脩譜然舊譜但載始

氏 嫡子長鶴松次鶴	氏 嘉慶十六年辛未八月二十五日	卒 合葬西黃莊側室傅氏朱氏朱氏
齡三鶴翔四鶴嘒庶子思綬鶴雲田	生 道光十五年乙未四月二十五日	朱氏嫡子振鑒振鏞振玉振常振鑾
出鶴宣慶昇嚴出鶴昇宋出長女適	卒 金陵兵燹棺燬	振鏞出嗣振鑾早塲庶子振鐸振博出
桐城張氏嫡出庶女嚴出二適高郵	年 戊寅十一月十五日中時生道光	振鈞振鉞宋出嫡女六長適山陽舉
王氏賁氏宋出適寶應劉氏	二十一年辛丑七月二十五日卒	人何福謙次適山陽歲貢生范雲三
	亦燬于兵桐城方氏嘉慶二十三年	適揚子貢生候選知縣汪昌順四適
	戊寅十二月二十三日巳時生光緒	山陽李文莊五適宛平王治平六未
	十六年庚寅閏二月十一日寅時卒	字塲庶女一宋出
	附葬西黃莊子二諱樹勳樹棠女一	
	繆淑人出適山陽舉人高郵州學正	
	何公其厚	

祖以南宋遷上虞不言南宋何年又一世至七世九世十二
三世皆失生卒年月而十三至十五世失葬地舊譜既有漏
畧亦安保其無疏誤耶姑據舊譜錄之云爾夫以一人一家
之興衰亦有常有變大率祖宗積德累仁其世澤必悠遠反
是則其子孫將有敗德累行傷人紀亂天常者出焉此蓋其
常也若夫以瞽瞍為父而有舜以舜為兄而有象許敬宗之
後有許遠盧奕之子有盧杞此則其變也然則為人子孫貴
乎自立而為父兄者亦守其常可耳今述遷淮以來先人所
踐履與彞訓約舉如下

先曾祖奉政公昆季五人生齒繁衍資產不給乃旅食四方
蘇湖繆公鎔與予家有戚誼官南河裏河同知家居揚州乃
携挈往依焉繆公為之介紹歷佐鹽河幕勤慎不苟晚歲積

數十年俸入從事懋遷利輒數倍遂致產數十萬金以先王
考高郵公服官江蘇遂僑居淮安之清河

先王考高郵公初隨先曾祖寄食繆氏繆公賞其才留佐家
政而家政理繆公益器之為納粟得布政司理問候補江蘇
以廉能為大吏所器歷署牧令道光二十二年英師犯長江
以防海勞保知州銜冬署淮安軍捕通判二十三年以催漕
獲盜功保知州二十五年署秦興縣知縣值歲不登四鄉婦
女入城為人傭多委棄嬰倪無過問者公乃收養署中催乳
媪哺之全活甚衆邑人感焉乃醵資創育嬰堂以垂久遠二
十六年知贛榆二十七年知鹽城二十八年知高鴻值水災
捐廉振貸戶有日給口糧以外益以薪蔬茵絮民不凍餒他
郡邑因水害多流亡獨高鴻竟事無一人徙境外者三十年

權知江甯咸豐元年牧高郵民俗侈靡城鄉婦女喜盛飾觀
賽入廟燒香每致滋事乃嚴諭禁止且令紳耆勸導不率者
罪之於是積習丕變二年夏河決徐州漕督調公佐辦豐北
大工是年冬至清江浦祝奉政公七十壽遽卒於浦廬年四
十三 誥授奉政大夫光緒庚寅先府君辦順直水災振捐
獎四品封典 誥贈中憲大夫宣統紀元振玉官學部參事
覃 恩加四級晉贈通議大夫

高郵公初娶於陳不逾歲卒及佐繆公理家政公妻以長女
道光十五年卒復妻以次女生何氏姑二十一年又卒思得
淑女撫鞠之聞方淑人賢乃納聘焉淑人安徽桐城人考仲
秀江蘇山陽縣裏河縣丞淑人早失恃端淑仁孝二十二年
來歸內政井然撫前女如己出俾高郵公得專心民政高郵

公署淮安通判以催漕外出胥役有舞弊者先王妣察知之密函告高郵公公歸懲之署中肅然及令高鴻先王妣撤簪珥助振災先高郵公卒先府君年甫十一先叔父遂安公九齡耳先王妣由金陵聞變星夜奔喪既殯因留侍奉政公並以十餘年所積俸餘萬五千金進奉政公却之曰此汝夫婦辛勤所積為兩孤讀書之資可也淑人不敢違姑置之而諸伯叔祖中有倡議兄弟無異產淑人不應有私蓄者及明年奉政公棄養將析產乃以是訟之官時公產六十萬金諸伯叔祖平日席豐履厚固未嘗匱也先王妣聞之慨然曰俸餘乃奉政公所賜不敢辭公產則可得而讓也戒先府君兄弟曰奉政公以隻身羈旅並此萬五千金者亦無之徒以忠信勤儉得有今日汝曹異日能自立者何必籍祖產使不能自

立則祖產適長汝曹罪惡終亦不能保也今先人尸骨未寒
吾忍以資產滋訟辱先人乎乃於清河縣立案讓公產不取
諸從祖大慰然仍慮異日或滋口實命先府君及遂安公立
據言推產雖稟庭訓然異日即貧無立雖亦無悔淑人許焉
於是家難乃紓不數年諸伯叔祖中有產盡來乞助者淑人
罔弗應且有致月餼至數十年者貧不能殯者殯之不能讀
者令與諸孫同塾讀不復記往事也

奉政公身後諸從祖析產分居他所淑人亦挈先府君卜葬
先王考買宅於河下之羅家橋時值黃河北徙後當道設局
招墾灘地乃認領二十頃墾治之延師授先府君兄弟書咸
豐十年捻逆南竄避地鹽城羅家橋宅燬於兵乃至郡城別
購更樓東趙姓宅鶯河灘墾地置山陽田產遣嫁何氏姑以

非己出奩田甚豐並為先府君兄弟先後授室咸豐八年命先府君納粟得縣丞同治丁卯先叔父舉於鄉於是家以再立而淑人心力瘁矣

予生晚不及侍先王考當予之生先王考見背己十四年幸得侍先王妣予年二十有五先王妣始棄養故於先王妣淑德懿行知之甚悉予生以前則據吳勤惠公棠所撰先王妣五十壽叙家難事先府君記之先王妣未嘗言也予生以後先王妣仍主家政一門之內肅若朝廷禮防至嚴以一老僕司閤得入內白事他僕無故不許擅入女僕無故不許出內門終日沈默寡言御下及訓子孫以禮未嘗有急言遽色而上下莫不嚴憚祀先人必敬必潔孫輩五歲即從師受學暮始歸寢孫女等課以鍼黹終日危坐不下堂而諸孫男女幾